

Barweet nyēē kisirchi :Bāwulō Kalatyeeek

Taayta

Siriintēēt, kēnyiit nyēē / kikēēsirē āk wōlēē / kikēēsirēē: Kisirē :lēbkēēyiintēēt Bāwulō barwaani kumii Antyookya ām kēnyiit nyēē / kiiſōōtyinē kule ki nyēbo 49 KK, kurub bakeenke tuuyēēt nyēē ki wōō nyēbo lēbkēēyik ām Yēērusālēēm. Kiriinkēētaab Antyookya :nyēē kibo taay kunyōōr biikaab Kiriistō chēē kimā Yuutayeek ānking'āloolē kuutiitaab Kirikiik.

Kitoowunoot :Bāwulō āk Barnaaba kanisoosyek chēē chaang' ām yēēmēētaab Kalatyaa ām Eesya nyoo Mining' (Uturuki) (kasee Yēyuutēk 13:14; 14:23). Nto yu kābēēchi keey :icheek, kutoow :Yuutayeek kereeryaanto chēē ki biikaab Kiriistō kusaaysaay biikaab Kiriistō choo kimā Yuutayeek kule māchāktōōs / kiimuraatan icheek ankurub kiuutēkaab Yuutayeek. Kiiboorchinēē :Bāwulō Kalatyeeek barwaani kutook kule kimāwuu nyoo.

Kiiboorchinēē :Bāwulō Kalatyeeek kiyēē kiyeyakay ām Antyookya kule kiiburyoong'to :inee Bētērō āk Barnaaba kuuyu kitay :icheek kwoomchiin āk biiko choo / manaakiimuraatan choo Kirikiik. Kiyey mbo :Bētērō kuu nyooto kuuyu kimii kuruutoonu :Yuutayeek choo kiikōōyēnchi Kiriistō chēē ki chōōrōōnuutēkaab Yāākōbō (kasee kur. 2:11-19). King'eet :Yuutayeek alake lētuunoo chēē ki Farisaayeek chēē kikwoonēē Yēērusālēēm kuruutoochi

Antyookya ankumach kule kurub :biikaab Kiriistō choo mā Yuutayeek kiruutēkaab Yuutayeek / ankiimuraatan / sikiiyiityi icheek wōlēē mii :biikaab Yēyiin (kur. 2:4). Nyēē mā tyaa, kuwo :Bāwulō, Barnaaba āk Tiitō Yēērusālēēm subokukāsyiin āk kaniseet nyoo wōō. Twēchē :Bāwulō tuuyooni bo koomānuut ām kurkeetaab 2:1-10 ankusiraat mbo ām Yēyuutēk 15.

Kiyēē mii āriit āk nyēē āmu: Kikwa Kalatyaan :Yuutayeek chēē ki kāānēētikaab biikaab Kiriistō ankooneet lōkōōywēk chēē teer ām chēē kikiikooneet :Bāwulō āk Barnaaba. Kunyoo ki ng'ālyoo nyēbo koomānuut kuyeet keey kurubta keey āk kuursēēnyii kuyēk lēbkēēyiintēēt, kursēēt nyēē kimāchōōnēē wōlēē mii :biich nteenee wōlēē mii :Yēyiin. Kwiilē :Bāwulō koobek kāānēētiisyēētaab Yuutayeechaa. -Mēēyyoong'unēē :kaararaacheet ng'aleekaab kāāmurootāniisyēēt nto kule /keerub kiruutēkaab Yuutayeek. Iyyoong'unēē kityō yoo kēēyēnchi :chii Kiriistō nyoo kime kuboacheek nto ām kēēlooto, kootyaakteeneech nyēērunātēētaab Yēyiin āk ng'wooninnyii. Kuurē :Bāwulō Abraam kule 'tiikiityoontēētaab kāāyēnēēt' nyēē kimii ām kēnyiisyēēk 400 / kumānāākiikoochi Muusa kiruutēkaab Yuutayeek. Kuu yoo kichāmē :Yēyiin Abraam kubo kāāyēnēēnyii, kubo nee kōōkiimē :biiko alake kule ākoy kuriib :chiito kiruutēkaab Yuutayeek sukucham :Yēyiin? Ikiimē :Bāwulō wōlēē wuu :soboontaab chiitaab Kiriistō kule: Iyyoong'unēē wōlēē miitē :Mokoryoontēēt Yēēsu Kiriistō āk / kēēkoonyit toorētēētaab Tāmirmiryēētaab Yēyiin.

Ititiirē :barwaani manta nyēbo āriit kule, /

kiirāroochēēch kubo chamateetaab Yēyiin yoo kakiikaasee keey Yēēsu. Mābo man :kāānēētuutēk alake tukul (kur. 1:7). Kēētineē kaalyeet ām wōlēē mii :Yēyiin kubununēē kāāyēnchinooyēēt (kur. 2:16) ānkēēyēku lōkōkaab Abraam (kur. 3:7) āk subak biikaab Yēyiin chēbo kāāyēnēēt nyēē lēēl, biikaab Isrāyēēl chēbo man nto chēbo soboontaab tāmirmiryēēt (kur. 6:16). Māmāchāktōōs kumēto :biikaab Kiriistō kaatyaaaktaayaanaa (kur. 5:1). Nteenee māmāchāktōōs keenyeeree kaatyaaaktaayaanaa kēēchuunnyēē kiyēē māchē :Yēyiin. Mākwēēch kēēminy ām soboonto nyēē intōōwēēch :Tāmirmiryēēt (kur. 5:16), kuuyu yooto yēē sikiimuuch kiityiich mākuutyēētaab chamateet nto ām kēēlooto, kuyityiin :wōlēē māktooy :kiriutēkaab Muusa (kur. 5:14). Kiruutyēēt nyēbo koomānuut ām kirootyeetaab chamateetaab Yēyiin, ku mākuutyēēt nyoo bo Kiriistō (kur. 6:2).

Kyoorōōrchi keey :Bāwulō Kalatyeek ānkumākyi bērur

¹ Anii nyoo *lēbkēēyiintēēt Bāwulō. Āmwoowook kule mēēbērē kitōōloo :biich buch nto ku chii ake tukul āyēku lēbkēēyiintēēt, nteenee nyēē kitōōloo ku Yēēsu Kiriistō āk Baaba Yēyiin nyoo kiing'ēētēē Yēēsu meet. ² Āsubooyē kanisoosyek tukul chēbo yēēmēētaab Kalatyaa kēēboontē keey mbo ng'eetaabiya tukul.

³ Lēyyē, kōōbēruurook :Baaba Yēyiin āk Mokoryoontēēt Yēēsu Kiriistō ānkukōōnook kaalyeet. ⁴ Kuu yoo ōnkētē, kiikooyto :Yēēsu soboonnyii kubo ng'ōōkiswookikyoo sukuweēkunēēnēēch wōlēē mii

:kāāsōōtēywēēkaab rōkōs chēbo bichēēb kōōrooni.
 / Kikeeyey kuu nyooto kurubta keey āk wōlēē
 māktooy :Yēyiin nyoo Baaba. **5** Lēyyē, kutōrōriit
 :Yēyiin ākookoy. Kuwuuyiit nyooto!

Kyōōyēbchi yiit kāānēētuut chēē miyootēch

6 Ng'ētē :mooyēēt yoo kaakas wōlēē kyootayte
 areet akeenke Yēyiin nyoo kikuurook ūminy
 ām chamateetaab Kiriistō ānkōōwēēkyi keey
 kāānēētuutēk alak **7** chēē mā kāroomēch.
 Kāākōōboor keey man kule mii :biiko chēē
 mii kōōbootook mētēwoy kumāchē kutubtub
 lōkōōywēk chēē kāroomēch choo rubtooy keey āk
 Kiriistō. **8** Okany āmwoowook, ānkoo koomwook
 :chii ām acheek lōkōōywēk chēē teer āk choo
 kikyoomwook, nto ku *malayikeet :nyēē koom,
 kunyoolu / bokēētōōrchi wōlēē bo maataab
 kibchuulyo. **9** Kuu yoo kātōōkāsē, okany
 tāāmwoowook subak: Yoo mii kwoomwook :chii
 ake tukul lōkōōy chēbo kaararaacheet chēē
 teer āk choo kikyoomwook :acheek, kunyoolu
 /bokēētōōrchi wōlēē bo maataab kibchuulyo.

*Wōlēē kinyōōrunto :Bāwulō kāāmuukēywēēk kuyēk
 lēbkēēyiintēēt*

10 Yoo kaamwaay kuu nyooto āmiitē āng'ērēēchē
 biiko? Acha, āmiitē āng'ērēēchē Yēyiin. Nto
 kyāābērē taang'ereech biiko, nto mēebērē āyēmē
 tāāyēchi Kiriistō yiisyēēt.

1:4 Māārkō 10:45; Room. 6:1-4; Kala. 2:20; Ēfēēs. 5:2; 1Tēm. 2:6;
 Tiitō 2:14; Ibu. 9:28; 1Yoowa. 5:19 **1:7** Yēyuut. 15:1, 24; Kala. 5:8,
 10; 2:4, 21 **1:9** Room. 9:3; 1Kōōr. 5:2-5; 16:22 **1:10** Room.
 2:29; 1Tēēs. 2:4-6

11 Mbo ng'eetaabiya, āmwoowook kule lōkōōywēchoo kāroomēch choo kyāā-āmwook mākwoonēē wōlēē mii :biich buch. **12** Mēēbērē kyāākāsēē biich nto kule kiineetaa :chii. Nteenee, king'oong'woo :Yēēsu Kiriistō.

13 Ābērē kyookas wōlēē kyāāwuuuyē :anii yoo kitāārubē miisin wōlēē wuu :ātēbuutēkaab Yuutayee. Kyookas oob wōlēē kyāāwustooy bikaab Kiriistō nyēē kōrōōm miisin ānkāāsyēēmē wōlēē kyāāmuuktooy awaang'te bichooto kutukul. **14** Kikyāāriib :anii miisin kiruutēkaab mbo kuuko kusiir wōlēē kiriibtooy :Yuutayee chuut alake chēbo bintanyuu.

15-16 Nteenee king'oong'woo :Yēyiin ām chamateenyii ānkēt wōlēē wuu :lakwanyii. Kubooyiit man, kisimkutoola ām chamateenyii nkit / kumānāākēēsicho, ā-āmchinootē biiko choo mā Yuutayee lōkōōywēk chēē kāroomēch kurubta keey āk Yēēsu Kiriistō. Mānāāsoom chii kule kooneetaa. **17** Mānāāwē mbo Yēērusālēēm kule wāātēēbunēē choo kisimkuyēk *lēbkēēyik, nteenee kyaachuul kēēlto bakeenke ākoy suurkwēēnēētaab Areebya nto yityo, ayeey Tamaasko.

18 Nto yu kāwokubēk:kēnyiisyēk sōmōku kuchakee kākuuro :Yēyiin, atooch ākoy Yēērusālēēm waamée Bētērō lōkōōy. Kikiiburtē keey Bētērō bēsyōōsyēk taman āk muut. **19** Kyaakas nkinee Yāākōbō nyoo tuubcho āk Mokoryoontēēt ānku lēbkēēyichooto āyēēng' baateey chēē kyaakas. **20** Āmwoowook ām taayeetaab Yēyiin kule man

1:13 Yēyuut. 8:3; 26:4-5; 1Kōōr. 10:32 **1:14** Yēyuut. 21:20; 23:6

1:15-16 Isa. 49:1, 5; Yēyuut. 9:3-5, 15; 1Kōōr. 15:10 **1:18** Yēyuut. 9:22-28 **1:19** 1Kōōr. 15:7

:kiyēē āmiitē āsirwook nyēē -māāng'wiiynānē.
21 Yu kāwokubēk :bēsyōōsyēchoo ām Yēērusālēēm,
 ayeey ākoy yēēmēētaab Siiryā ākoo nyēbo
 Kiliikya. **22** Kimānāāruutoochi kanisoosyek chēbo
 Yuuteeya. **23** Nteenee kiyityinē baateey ku
 lōkōōy / kēēmwooyē kule, “Mii kwoomtootē ra
 :chiitkiinye kiwusootēēch ng'ālyoontēētaab Yēyiin
 nyoo kimāchē kule kōōboot.” **24** Kisilto :bichoo
 Yēyiin kubo kiyēē kiyeyakay ām soboonnyuu.

2

Kicham :lēbkēēyik chuut alake kāānēētiisyēētaab Bāwulō

1 Nto yu kakeeyta :kēnyiisyēk tamanu āk
 ang'wan, ayeey Yēērusālēēm. Kyāāwēētē keey
 Barnaaba ām baani āboontootē keey Tiitō.
2 Kyāāwē Yēērusālēēm kuuyu king'oong'woo
 :Yēyiin. Āmiitē wōlooto, āboorchi biiko choo
 tookunootiin ām kanisa lōkōōywēk chēē kāroomēch
 choo ā-āmchinootē biiko choo mā Yuutayee.
 Kyaayey kuu nyooto simāābirtē nkuruukyuu
 buch. **3** Ankoo *kimeemuraatanaat :Kirikiintēēt
 Tiitō nyi kyāāwēētooy, / mānāākēēkērchi koong'
 kule /kiimuraatan /sikēēchāmchi kuyēk chiitaab
 Kiriistō kuchurta. **4** Kimii :biich chēē kikiukukwa
 Antyookya chēē kimwooyootē kule kimāchāktōōs
 /kiimuraatan chii /sikēēchāmchi kuyēk chiitaab
 Kiriistō kuchurta. Kikiukuyey keey :bichoo kule
 kiikōōyēnchi Yēēsu ānkurisēēch. Kikiukōōsāb
 :bichoo bokuyoochtech ām tankasta nyēē
 kiikēēnyōōru kubuntēē :Kāārārookiintēēt Yēēsu,

sukung'eet kuyeyeech kēyēku subak motwoor chēbo kiruutēkaab Yuutayeek. ⁵ Nteenee mēēbērē kikyoosyi keey bichoo mbo kisich. Kikeeyey kuu nyooto sōtēbtē :akweek ng'ālyoontēētaab manta.

⁶ Nto kurubta keey biich choo tookunootiin, mānāātāsyi :icheek kiy ām kiyēē ānēētē :anii. (Mā kiy yoo tookunoot :chiito nto mātookunoott kuuyu mākāsunēē :Yēyiin chii wōlēēb saang'.) ⁷ Kikas :bichoo kule /kikēēkōono anii kāāmuukēywēēk ā-āmchinootē biiko choo mā Yuutayeek lōkōōywēēk chēē kāroomēch kuu yoo /kikiikoochinē Bētērō kāāmuukēywēēk kwoomchinoot Yuutayeek lōkōōywēēk chēē kāroomēch. ⁸ Kiinkēt kule Yēyiin nyoo kiyēyē Bētērō kuyēk *lēbkēēyiintēēt ām wōlēē mii :Yuutayeek, ku Yēyiin nyiitēnyi :nyēē kiyēyoo nkanii āyēku lēbkēēyiintēēt ām wōlēē mii :biiko choo mā Yuutayeek. ⁹ Yu kawokukas :Yāākōbō āk Bētērō kuboonto keey Yoowaana choo ki kāāntōōyikaab biikaab Kiriistō kule kiibēruur :Yēyiin yiisyēēnyuu, koosubaayaa anii āk Barnaaba kukachamta kāānēētiisyēēnyoo. Kichāmchiin kule kyoomchi :acheek lōkōōywēēk biiko choo mā Yuutayeek ānkwoomchi :icheek choo Yuutayeek. ¹⁰ Kiyēē kimwoowēēch ku kule kiisōōtē biikaab Kiriistō choo bānoon ām Yēērusālēēm, ng'ālyoo nyēē kyāāchōboot miisin ayey.

Wōlēē kikwiilta :Bāwulō Bētērō ām Antyookya

¹¹ Kimii :yēē kiruutoochi :Bētērō Antyookya, nto ābērē akas, kimachuulaat. Yooto asoot kule

2:4 1Kōōr. 9:21; Kala. 1:7; 5:1, 13 **2:6** Yēyuut. 10:34; Yāāk. 2:1

2:7 Yēyuut. 9:15; Room. 1:5 **2:10** Yēyuut. 15:1-29 **2:10** Yēyuut. 11:27-30

ākoy akwiil kukāsē :biiko. ¹² Nto kiyēē kiisach ku kule: Kuyitu :Bētērō, kyoomchiintōōs āmiik āk biiko choo mā Yuutayeek. Nto yu kabokuyit :biiko alake chēē kikwoonēē wōlēē mii :Yāākōbō, kusatee keey :Bētērō wōlēē mii :biiko choo mā Yuutayeek, kuuyu kiiywēyē choo mwooyē kule mābooyiitū :chii Kiriistō kuchurta yoo / kamaki-imuraatan. ¹³ Kirub :nkicheek Yuutayeek alake ātēbuutēkaab Bētērō ānkulumchi :nkinee Barnaaba ng'aleechaata.

¹⁴ Nto ābērē akas :anii kule kimāyēyē :bichoo kurubta keey āk wōlēē wuu :manta nyēbo lōkōōywēk chēē kāroomēch, āburyoong'tē Bētērō kukāsē :biiko tukul kule, "Murooni, ānkoo iyēku inyiing' Yuutāyiin, kōmēērubē :inyiing' kiruutēk tukul chēbo Yuutayeek. Kunyoo ii, imuuchē kule nee ikērchi koong' biiko choo mā Yuutayeek kurub kiruutēkaab Yuutayeek?

¹⁵ Ānkoo kēyēku :acheek Yuutayeek ām yyootēēt amakeekerkeeye biiko alak choo -mēēnktē kiruutēkaab Yēyiin, ¹⁶ kiinkētē kule -/mākiitiilchinē chii ake tukul kule churtaat ām taayeetaab Yēyiin kuuyu rubē kiruutēk. Nteenee, / kiitiilchinē kule churtaat kuuyu iyēnchinē Yēēsu nyoo Kāārārookiintēēnyoo. Kiyooto :nyēē yēyēēch :acheek Yuutayeek kiikaasee keey Kāārārookiintēēt Yēēsu sukung'eet / kiitiilweech kule /kēēchurtootin ām taayeetaab Yēyiin āmēēbērē kubo kule kēērubē kiruutēk. -/Mākiitiilchinē chii kule churtaat kubo kule rubē kiruutēk. ¹⁷ Yibēēch :Yuutayeek alake kule kēēchoolwookēnootiin kuuyu kōōkēēmētē kiruutēkaab Yuutayeek

sukung'eet kōōtiilwēēch :Yēyiin kule kēechurtootiin ām Kāārārookiintēēt, āmēēbērē kubo kiruutēk. Ara ibooru sōō :yooto kule yēyēēch :Kāārārookiintēēt kēechoolwookēn? Achicha! Māwuu nyoo mbo kisich. ¹⁸ Nteenee yoo kaacham subak kule / kiirāroochē chii kubo kule bēng'tēē kiruutēk, āchoolwookēnoot. ¹⁹ Kikiikōōtiinyoo nkanii :ng'aleekaab kiruutēk nteenee /kiikiityaakteenaa wōlēē mii kiruutēchoo, sāāminy kubo Yēyiin. ²⁰ Kuu yoo kimēē :Kiriistō wuu nyēē kyaameey :nkanii kuu nyooto. Mēētākuwuū :soboonyuu yoo kibo taay, nteenee āboontē ra Kiriistō ām soboonyuu. Soboonto nyēē āminyē ku nyēē ākoosēē keey Lakwataab Yēyiin. Kichama :lakwani kut kōōkooyto soboonyii kubo anii. ²¹ Irāroochēēch :Yēyiin kubo chamateenyii nkit āmēēbērē kuuyu kēērubē kiruutēk. Kiy :nyoo nyēē -māābākooktooy. Nto ki man kule /kiitiilchinē chii kule churtaat kuuyu rubē kiruutēk, kukime sōō :Kiriistō nyēbo buch?"

3

*/Kiirāroochē chii kubo kule ikoosēē keey Yēyiin
mēēbērē kuuyu rubē kiruutēk*

¹ Ōbērbērēch :Kalatyek sōō nyēē tyaa! Kiitaankoooyaak :ng'oo ēē? So! Ntēē / kikiiboorwook kutook kiyēē kibur sukumēēchi :Yēēsu murtooywoontēēt. ² Lēyyē, ānkōōmwoowoo, kyōōnyōōru Tāmirmiryēētaab Yēyiin kuuyu kyoorub kiruutēkaab Yuutayeek ēē, nto, kuuyu kyōōyēnchi

2:18 ᄊິ້າ. 2:15 **2:19** Room. 7:6; 6:2-4, 11; Kala. 6:14 **2:20**
Room. 8:10-11; Kala. 1:4 **2:21** Kala. 1:6; 5:4

kiyēē / kikyoomwook? **3** Ōbērbērēch nyēē -/ mākyoomu. Kyōōtoowunēē Tāmirmiryēētaab Yēyiin, neennyi ōmāchē kule boowaang'tee kāsōōtēywēēkaab biiko buch! **4** Ōmāchē ōmwoowoo kule kyōōnyāliilchē nyēbo buch? Kubooyiit man, kimābo buch. **5** Kikōōnook :Yēyiin Tāmirmiryēēnyii ankuyey tukuuk chēē / kiilātē ām wōlēē ōmiitē kuuyu kyōōyēnchi kiyēē /kikyoomwook āmēēbērē kuuyu kyoorub kiruutēkaab Yuutayeek.

6 Kiikoosēē keey :Abraam Yēyiin. Yooto, kuchamta :Yēyiin kule churtaat.† **7** Kunyi, māchāktōōs ūnkēt kule, biiko choo ikoosēē keey Yēyiin kuu yoo kiyēyē :Abraam, kubo :choo Kiriistō kuchurta. **8** Kisimkōōboor :siruutēkaab Yēyiin kule mākōōtiilchi :Yēyiin biiko choo mā Yuutayeek kule imuuchē kuchurta yoo keekaasee keey inee. / Kikiiboorunēē yooto yoo kimwooochinē :Yēyiin Abraam kule, “Mākōōbēruurākiis :biiko tukul chēē mii kōōrēēt kubununēēniing’.”† **9** Kunyoo, kōōbēruurākiis :biiko tukul choo ikoosēē keey Yēyiin kuu yoo kiyēyē :Abraam.

10 Nteenee chubootiin :biiko tukul choo sweēē kiruutēk kuuyu mwooyē :siruutēkaab Yēyiin kule, “Chuboot :chii ake tukul nyoo māyēyē tukuuk tukul choo / kikēēsirchi kitaabuutaab kiruutēk.”† **11** Nteenee kubooyiit man, māmii :chii nyēē chāmtooy :Yēyiin kule churtaat kubo kule rubē kiruutēkaab Muusa. Mwooyē :siruutēk

3:5 Yēyuut. 19:2, 6; Room. 8:9-16; 2Kōōr. 3:6, 17; Kala. 4:6 † **3:6** Toowu. 15:6 **3:6** Room. 4:3 **3:7** Luuka 13:16; 19:9; Yoowa. 8:39; Room. 4:11-12; Kala. 3:9, 29 † **3:8** Toowu. 12:3; 18:18; 22:18
† **3:10** Kiruu. 27:26 **3:10** Room. 4:15; Yāāk. 2:10

kule, “Nyōōru soboonto :chiito nyoo churtoooy kubo kaakaaseenyii.”† ¹² Yoo rubē :chii kiruutēk kumāmāchāksē kōōkoosēē keey Yēyiin. Nto chiito nyoo swēē ng'aleekaab kiruutēk, kōōtiinyē nyoo :kiruutēchoo.†

¹³ Kiwälāng'wēēch :Kiriistō kēēng'ēētyēē chubisyēēt nyoo mwooyē :kiruutēk, yoo kichubāktōōs :inee kuboacheek. Mwooyē :siruutēk kule, “Chuboot :chii nyoo / kākiikārtootyi keet.”† ¹⁴ Yoo kiwälāng'wēēch :Kāārārookiintēēt Yēēsu, /kiibēruur nkicheek biiko choo mā Yuutayeek kuu yoo / kikiibēruurē Abraam. / Kikeeyey kuu nyooto sikēēnyōōru Tāmirmiryēēt nyoo kikuurtoowēēch :Yēyiin yoo kakiikaasee keey inee.

Kiruutēk āk kiyēē kiikukuurtoowēēch :Yēyiin

¹⁵ Mbo ng'eetaabiya, okany baa, āboorunēēnook ng'aleechu wōlēē kēētēbtooy kwaak: Yoo kāākuyēchiin :biiko āyēēnu kiirootyeet ām kiyēē kāākukāsyiin ānkōōtiinkyi āwut, kumāmii :chii nyēē imuuchē kwiiri. Kerkeey :ng'aleechu āk yooto. ¹⁶ Kikuurtoochi :Yēyiin Abraam kiy āk kesennyaaanteenyii. Mēēbērē mwooyē :siruutēk kule keseniisyekyii wuu nyēē ibooru :yooto kule biiko chēē chaang'. Acha, nteenee ng'āloolēē chiito akeenke yoo mwooyē kule ‘kesennyaaanteet’† nto nyooto ku Kiriistō. ¹⁷ Kiyēē āmitē ābooru ku nyi: Kiyey :Yēyiin kiirootyeet āk Abraam. Kunyoo, -mēēmuuchē :kiruutēk choo /kibokēēyēyē

† **3:11** Aabak. 2:4 **3:11** Room. 1:17; 3:20 † **3:12** Laawi.
 18:5 **3:12** Room. 10:5 † **3:13** Kiruu. 21:23 **3:13** Yēyuut.
 4:30; 2Kōōr. 5:21 **3:14** Kala. 3:2, 5; 2Kōōr. 1:22 † **3:16** Toowu.
 22:18

ām kēnyiisyēk bokolwookik ang'wan āk sosom lētuunoo kuweechweech kirootyaanaa. Kunyi, -mēēmuuchē kutilta :kiruutēkaab *Muusa kiyeē kiikukuurtoowēēch :Yēyiin. ¹⁸ Kikuurtoochi :Yēyiin Abraam ām chamateet kule mākōōbēruur inee. Nto / kikēēnyōōru bēruroo kuuyu rubē :chii kiruutēk, nto kimēēyyoong'unēē :bēruroo chamateetaab Yēyiin.

¹⁹ Kibo nee naas :kiruutēk? Okany āmwoowook. / Kikēētās kiruutēk kuuyu choolwookēnē :biiko. Kimāchāktōōs kule kōōbuur :kiruutēchoo ākoy kutook :kesennyaantaanaa kibo Abraam nyoo king'āloolēē :Yēyiin. Kiyey :Yēyiin kiruutēchoo ānkōōkoochi *wōōrkooyoontēēt Muusa kubununēē malayikaanik. ²⁰ Boonto :wōōrkooyoontō kubo kwaak komoswookik āyēēng' chēē iyyoonkyinē. Nteenee akeenke :Yēyiin.

²¹ Ara kimii :Yēyiin kukwiilē keey nkit ām tukuuk chēē kikuurtoochi biiko yoo kikōōnu kiruutēk? Acha, māwuu nyoo mbo kisich! Nto /kikēēkōōnu kiruutēk sukukōōn *soboontaab kibchuulyo, nto kiimuuchē :chiito kutililit kuchurta ām wōlēē mii :Yēyiin kubo kiruutēk. ²² Nteenee, iboorwēēch :siruutēk kule rātootiin :biiko tukul ām choolwookātēēt. Kunyoo, mākōōkoochi :Yēyiin biiko choo ikoosēē keey Yēēsu Kiriistō kiyoo kiikukuurtoochi.

²³ Kikēērātootiin :tukul ām kiruutēk ānkikirkirēēch :kiruutēchoo ākoy kuchō :Yēēsu nyoo kiikoosēē keey. ²⁴ / Kikēēkōōnēēch kiruutēchoo

3:17 Chuy. 12:40 **3:18** Room. 4:14; 11:6 **3:19** Room. 5:20;
Yēyuut. 7:53; Chuy. 20:19; Kiruu. 5:5 **3:21** Kala. 2:21 **3:22**
Room. 3:9-30; 11:32

kuriibootēēch kut kuyit :Yēēsu. Yooto /kiitiilwēēch kule kēechurtootiin kuuyu kiikoosēē keey inee.
25 Kunyoo, kuu yoo kookiikaasee keey Kiriistō kōmēētākuriibootēēch :kiruutēk.

Lōkōkaab Yēyiin

26 Kyōyēku :tukul lōkōkaab Yēyiin kuuyu ōkoosēē keey Kāārārookiintēēt Yēēsu. **27** Yu / kabokeebatisanaak ūbooyiitu Kiriistō, oluumee keey inee ānkōōnoomnyē āk inee. **28** Mātiny kule ng'oo :ng'oo. Yoo kā Yuutayek nto ku choo mā Yuutayek, yoo choo motwoor nto choo mā motwoor, yoo murēn nto koorko, kumāmii :tēērchinooyēēt. Öyēku :tukul akeenke ām Yēēsu Kiriistō. **29** Kuu yoo ūbooyē Kiriistō, öyēku lōkōkaab Abraam ānkunyoolu /kēērōōbwook bērurto nyoo kikuurtoochinē :Yēyiin Abraam.

4

1 Okany āboorunēēnook kiyi: Yoo tāku mining' :leekwa, kukerkeey āk motwooriin. Ānkoo ku cheechii :tukuukaab kwaan, mātinyē kāāmuukēywēēk ām wōlēē mii :tukuuchoo.
2 Mii :inee āwunnyēkaab tilyōōnuutēkyii āk chēē iyyoonkyinē tukuuchooto ākoy / kiikoochi kāāmuukēywēēk kubāw tukuuchoo, ānku bēsyēēt :nyoto nyēē kikiikukwey :kwaan. **3** Yoo kitākubāwēēch :kiruutēk āk ātēbuutēkaab kōōrooni, kikeekerkeeye lēēkōōy choo -mēēmuuchē keey.

4 Nto yu kayit :bēsyēēt nyēē / kikiikēēchōb, kukōōn :Yēyiin lakwanyii nyēē kisichē :koorko

kumii ng'wēnyuutaab kiruutēkaab *Muusa.
⁵ Kichokoootyaakteechacheek choo kikēēmiitē
 ng'wēnyuutaab kiruutēk sukung'eet kēēyēku
 lōkōkaab Baaba Yēyiin kuchurta.

⁶ Kuu yoo kēēyēku lōkōkaab Yēyiin, kōōkōōyook
 :Yēyiin Tāmirmiryēētaab lakwanyii chokōōwutēēch.
 Tāmirmiryoonooto ku nyoo yēyēēch kēēkuur Yēyiin
 kule, “Baaba.” ⁷ Kunyoo, -mēētākēēyēku motwoor
 nteenee kēēyēku lōkōkaab Yēyiin. Kunyi, kuuyu
 kēēbooyē Yēyiin, mākukōōnēēch kiy ake tukul nyoo
 bo lōkōkyii.

*Kinyālilchi :Bāwulō Kalatyeek sukunam
 ng'ālyoontēētaab manta*

⁸ Yoo kitākutoombo ūnkēt Yēyiin, kyōōbēng'tēē
 āynātōōs chēē māyēmāksē /kēēkutunkiyinē. ⁹ Nto
 raat yu kōōnkēt Yēyiin, nto kuuyu kōōkōōnkētook
 :inee, ām nee yu ūmāchē subak ōyēēchi ātēbuut
 āk ntāsimuut choo māyēētyēēchook kiy? ūmāchē
 subak tākōōbootook :tukuuchoo? ¹⁰ ūmiitē baateey
 ūswēē ūriibē bēsyōōsyēk chēē wōōyēch, nto ārook
 ākoo kēnyiisyēk. ¹¹ Amuyoot ām wōlēē ūmiitē
 ūbuurtooy nyēē yoo kaakas, kwāābirtoochook
 nkuruukyuu nyēbo buch! ¹² Mbo ng'eetaabiya,
 āsooomook kule ūtēbii kuu anii nyoo kyāāmētē
 ātēbuutēkaab Yuutayeek ankaakerkeyiitu akweek
 choo kimābāwook :kiruutēchoo.

Māmii :lēēlis nyēē kyōōyēwoo yoo kyāāyēku
 too ām wōlēē ūmiitē. ¹³ ūnkētē :akweek
 kule nto kimā bōōrnyuu nyi kimakaraam,

4:4 Yoowa. 1:14 **4:6** Room. 8:15 **4:7** Room. 8:17 **4:8**

1Kōōr. 8:4-6; 12:2 **4:9** Kolos. 2:20 **4:10** Room. 14:5; Kolos.

2:16 **4:11** Kala. 2:2; Filib. 2:16; 1Teēs. 3:5 **4:12** 1Kōōr. 9:19-21

nto kimānāāchōō wōloo ūmiitē yu kibo taay.
¹⁴ Kiimuuchē kuyeyaak :nyaamburuureenyuu ochweesa nto otayaa. Nteenee, kyootaachaa wuu nyēē kyāyēku *malayikeetaab Yēyiin, nyēē wuu nyēē ki :anii Kāārārookiintēēt Yēēsu bakenke. ¹⁵ So! Kookwaamaak :nee ra? Kiba ānō :ng'erekweechaakwook kyōōboontē yu kibo taay? Āmwooowook kubooyiit man kule kyōōbāybāyēch nyēē nto kiimuuchāktōōs, nto kyōōlōōtu koonyekwook ānkōōkōōnoo. ¹⁶ Kunyoo ii, ara kwōōyiboo āyēku buunyoo ām wōlēē ūmiitē kuuyu kwāāmwooowook manta?

¹⁷ Mii kusyēēmē :bichoo mākwook orub kiruutēk kule kusaaysaayaak ūchāmchi ng'aleekwaa āmēēbērē kubo ng'al chēē kāroomēch. Nteenee māchē kusateenaak wōlēē āmiitē :anii sukung'eet oroob icheek. ¹⁸ Karaam yoo kēēnēmchi keey :chii ām akweek ng'ālyoo kātikoo baateey kubo kāroomnyo. Ōyēyē kuu nyooto ākookoy āmēēbērē baateey yoo kēēboontē keey. ¹⁹ Biikyuu chēē āchāmē, kuu yoo āmē cheebyoosya :moo yoo mākusich, kumii kung'woonchoo :nkanii kuu nyooto ākoy kut akas kule kōōkich ām Kāārārookiintēēt. ²⁰ Ābērē nto kākēēboontē keey, sāārēēkunēē mukuulēyto yoo āng'āloolwook, kuuyu āmoo mēt :ng'aleekwook.

Lōkōkaab koorkēētaab kayta āk chēbo koorko mot-wooriin

²¹ Nto akweek choo ūmāchē kubāwook :kiruutēk ii, -mōōnkētē kiyēē mwooyē :siruutēkaab *Muusa?

²² Siraat kule kiboonto :Abraam wērikyii āyēēng'.

Kisichē ake :koorkēētaab kayta kusich nyiin ake :koorko nyēē motwooriin. ²³ /Kikēēsich wēēroo kibo koorko nyēē motwooriin kurubta keey āk kāāsōōtēyēwēēkaab biiko buch. Nteenee /kikēēsich nyēbo koorkēētaab :kayta kurubta keey āk kiyēē kikuurto :Yēyiin.

²⁴ / Kikiwuuytēē kooruuchoo ng'al. Kerkeey :kooruuchoo āk kiirootiisyek āyēēng'. Kiirootyeyt nyoo kibo taayta nyoo /kikēētoowunēē Tulwēētaab Sinaay* kukerkeey :nyoo āk *Akaar. Kwoonēē nyooto :lēēkōōy chēē motwoor. ²⁵ /Kikiwuuytēē Akaar tulwoonoo bo Sinaay ām kōōrēētaab Araabuuk nto nyooto ku Yēērusālēēm nyi bo raat nyoo motwoor :biikyii ām kiruutēk. ²⁶ Nteenee kerkeey :Yēērusālēēm nyoo bo kibkōōnkōy āk koorkēētaab :kayta nyoo mēēbērē motwoor :biikyii ānku inee ku moomo nyēēnyooacheek choo kikiyyēnchi Kiriistō. ²⁷ Mwooyē :siruutēk kule:

“Ing'erech wē, koorko nyēē sōōn,

nyoo mānēēsich leekwa.

Ichirirēn miisin

:nyoo maneekas ng'woonintaab leekwa.

Tyaa sōō :lēēkōōy chēbo :koorko nyoo lōōlēnoot!

Makuchaang'iit kusiir chēbo nyoo kānyōōr saannyaa.”†

²⁸ Kunyoo ii, mbo ng'eetaabiya, okerkeeye :akweek Isaka wēēroo bo koorkēētaab :kayta, kuuyu / kikēēsichoock kurubta keey āk kiyēē

4:22 Toowu. 16:15; 21:2-3 **4:23** Toowu. 16:1-5; 17:16-21; Room.

* **4:24** /Kikēēkōōnunēē kiruutēkaab Muusa Tulwēētaab Sinaay. **4:24** Chuy. 19:3—24:18; Kala. 3:23; 4:1; 5:1 **4:26**

Ibu. 12:22; Ng'oong'. 21:2 † **4:27** Isa. 54:1 **4:27** Toowu. 15:5

kikuurto :Yēyiin. ²⁹ Kuu wōloo kiwuu :ng'aleek ām taay, kuwuu nyooto mbo raat. Ng'ēētē :choo / kikēesich kurubta keey āk kāāsōotēywēēkaab biiko buch kuwus choo / kikēesich ām kāāmuukēywēēkaab Tāmirmiryēēt. ³⁰ Nteenee, mwooyē nee :siruutēkaab Yēyiin kurubta keey yuutēyu? Mwooyē kule, “Ikwetee koorkoonoo motwooriin kayi kuboonto keey wēēroonyii. Mākoy kuyemta :wēēroo bo koorkoonoo kiy āk wēritaab koorkēētaab kayta.”† ³¹ Kunyoo ii, mbo ng'eetaabiya, -mākēēbooyē :acheek koorko motwooriin, nteenee kēēbooyē koorkēētaab :kayta.

5

-Matookany kubāwook :kiruutēk

¹ Yoo kiityooktook :Kiriistō, kimāchē kule simātākōōtiinyook :kiruutēk. Kunyi, ōkiilchi kaatyaaaktaayaanaa -amookany / kiiwutēēnook subak muchōōkiitaab motwoornātēēt. ² Ōyēbchi yiit ng'aleekyuu. Āmwoowook :anii Bāwulō kule yoo koocham */kiimuraatanaak kule sukuchamtaak :Yēyiin, māyēētyēēchook kiy mbo kisich :meetaab Kāārārookiintēēt. ³ Nto subak āmwooochinē chii ake tukul nyoo chāmtooy keey / kiimuraatan kule, yoo kayey kuu nyooto, kumākyinē kuriib kiruutyēētaab Yuutayeek kumukuul. ⁴ Nto akweek choo ūbērē kuchamaak :Yēyiin kule ūchurtootiiin kuuyu ūrubē kiruutēkaab Yuutayeek, kyōō-irii tilyaanateet āk Kiriistō. Kyoochuchuuuyee keey chamateet nyoo kiirāroochēēnook :Yēyiin.

^{4:29} Toowu. 21:9 † ^{4:30} Toowu. 21:10 ^{5:1} Kala. 2:4; 4:5, 9;
5:3, 13 ^{5:3} Room. 2:25; Kala. 3:10-12; Yāāk. 2:10

5 Kēētiiyēē keey :acheek Tāmirmiryēētaab Yēyiin kule +mākēēnyōōru soboontaab kibchuulyo, kuuyu kiikoosēē keey Kāārārookiintēēt. **6** Yoo / kakiimuraatan chii nto yoo / kamakiimuraatan, kumā kiy ām wōlēē mii :Kāārārookiintēēt Yēēsu. Nteenee kiyēē bo koomānuut kookaasee keey :chii Kāārārookiintēēt ānkuboonto chamateet.

7 Kyōōmiitē olābātē nyēē karaam. So, ng'oo subak :nyēē king'emaak otay ng'ālyoontēētaab manta? **8** Māchōōnēē :ng'ēmiisyēēt nyēē wuu nyoo wōlēē mii :Yēyiin nyoo kikuurook ōyēku lōkōkyii. **9** Yēē :muumaryanta nyēē kisich mayyeek tukul kukuut. Kunyi, imuuchē :ng'ālyoo nyēē mining' kuweechaak nkakweek tukul. **10** Ātinyē man ām Mokoryoontēēt kule mēēbērē +moosoot ām kēēlto ake. +/ Mākiing'woonchi chiito nyoo kēēbotbootook nyēē mātiny kule ng'oo :chiichoo. **11** Mbo ng'eetaabiya, nto kitāāmiitē ānēētook kule ākoy / kiimuraatan chii sukuyēk chiitaab Kiriistō, nto mēēbērē / tākēēwusoo. Nto kiwuu nyooto, nto ki buch aneet meetaab Yēēsu ām murtooywoontēēt nyoo iyimē icheek mētēwoy. **12** Ābērē nto bokuchwenta keey :bichoo mii kōōyiimook mētēwoy.

Soboontaab Tāmirmiryēēt āk nyēbo kōōrēēt

13 Nto kurubta keey āk akweek ii, mbo ng'eetaabiya, ōkuurootin āmēēbērē tākubāwook :kiruutēk nteenee, mayeyaak :yooto ū-āsyi keey muchastaab bōōrwoonikwook. Ōyēētyēēchinē

5:5 Room. 8:4; Kala. 2:16 **5:6** 1Kōōr. 7:19; Kala. 3:28; 6:15

5:8 Kala. 1:6-7 **5:9** 1Kōōr. 5:6 **5:10** Kala. 1:7 **5:11** 1Kōōr. 1:23; Kala. 6:12

keey ām chamateet. ¹⁴ Iyumē kiruutēk tukul :kiruutyoonoo mwooyē kule, “Icham laatyeng’uung’ kuu wōloo ichāmtooy keey.”† ¹⁵ Osaan ūloong’tēē keey āmōō-āmē keey nkosyur, kuuyu ūmuuchē owaang’tē keey.

¹⁶ Āmwoowook nanyun kule ūbēēsyētēē Tāmirmiryēēt simatwaaraak :muchastaab bōōrwoonikwook. ¹⁷ Kwiilē keey :muchastaab bōōrwoonik āk Tāmirmiryēēt. Kunyi itooyēēnook :muchastaab bōōrwoonik orub Tāmirmiryēēt. Nteenee mwoowook :Tāmirmiryēēt kule -moorub tukuuchoo miyootēch, simooyey kiyēē māchē :moonikwook. ¹⁸ Kunyi, yoo intōōwook :Tāmirmiryēēt, mēebērē tākubāwook :kiruutēk.

¹⁹ Tookunootiin :yēyuutēkaab chii nyēē muchāsiin nto chooto ku: martaayeet, soboonto nyēē mā tiliil, sikornateet, ²⁰ kutunkynooyēētaab āynātōōs, sookēyēēk, wēchēētaab keey, wookuutyēēt, yoo mēechinē ake :moo kubo kiyēē boonto :ake, nyēērunātēēt, sooynānēēt, bcheyeetaab keey, kaankweleet, ²¹ tuuyintaab moo, bōōkitēēt, sookwoonuut chēē /kyoomē kut /bokiikēēytēēt āk alak chēē kerkeey āk chooto. Lēyyē, āmwoowook kuu yoo kyāāmwoowunoonwook, kule ūriib keey kuuyu mānyōōru :choo rubē ng’aleechu ātēbto ām Kaab Yēyiin.

²² Nteenee, kiyēē yibu :Tāmirmiryēēt ku chamateet, ng’erekweek, kaalyeet, muytaayeet,

5:13 1Kōōr. 6:12; 10:23-24; 1Bēt. 2:16 † **5:14** Laawiik 19:18

5:14 Mat. 22:36-40; Room. 13:9; Yāāk. 2:8 **5:17** Room. 8:2-13; Kala. 5:25 **5:18** Room. 6:14; 7:4 **5:21** Māārkō 7:21-22; Room. 1:28-32; 1Kōōr. 6:9-10; Êfēēs. 5:3-5; Kolos. 3:5-8; 1Tēm. 1:9-10; 2Tēm. 3:2-4; 1Bēt. 4:3

ntusātēēt, karaamateet, kaakaaseet, ²³ yibēētaab keey ng'wēny āk riibēētaab keey. Māmii :kiriutyo ake tukul nyēē kwiilē ng'aleechu. ²⁴ Kiikubakaakta :biikaab Kāārārookiintēēt Yēēsu muchastaab bōōrwoonikwaa āk tukuuk chēē miyootēch chēē māchē :moonikwaa. ²⁵ Kuu yoo kōōkukōōnēēch :Tāmirmiryēēt soboonto nyēē lēēl, okany kēēbēēsyēētēē Tāmirmiryoonoo. ²⁶ Kunyoo, -mōōkānyē kēēng'āsē keey āmākēēchiwēnootē biiko alak nto kiituuyiityinē keey moon.

6

Ōyēchinē chii ake tukul nyēē karaam

¹ Mbo ng'eetaabiya, yoo kayey :chii ng'ōōki, -moosyool nteenee ōyisu muut :akweek choo ūkichootiin ām Tāmirmiryēēt ānkōōriibē keey simōōsuuchi :nkakweek ng'ōōki. ² Ōyēētyēēchinē keey yoo kānyikisyook :ng'ala. Yoo ! kooyey kuu nyooto, +mootyiich kiyēē mwooyē :mākuutyēētaab Kiriistō. ³ Yoo isōōtē :chii kule inee ku anum āmēēbērē wuu nyooto, kākwērto keey :nyoo. ⁴ Māchāktōōs :chii ake tukul kōōrōōtootē ātēbuutēkyii. Yooto, makung'erech kubo kiyēē kiikuyey āmēēbērē kule kēēkuykuuyēē keey kiyēē kiikuyey :chiito ake. ⁵ Kālābē :chii nyalilnyii nkit.

⁶ Biich alak tukul choo / kēēmiitē / kiinēētē ng'ālyoontēētaab Yēyiin, kumāchāktōōs kuyēmtooy tukuuk chēē boonto āk kāānēētikwaa.

5:22 Ēfēēs. 5:9 **5:24** Room. 6:6; Kala. 2:19; 6:14; Kolos. 3:5;
1Yoowa. 3:6 **5:25** Room. 8:4; 1Kōōr. 6:19; Kala. 5:16 **5:26**
Room. 12:10; Filib. 2:3 **6:1** Mat. 18:15; 1Kōōr. 10:12; Yāāk. 5:19
6:2 2Kōōr. 11:29 **6:3** 1Kōōr. 4:7 **6:5** Room. 14:12 **6:6**
Room. 15:27

7 -Mookany /kiiberbeeraak. Māmii :chii nyēē imuuchē kuchiiranee Yēyiin. Kiyēē choonē :chii kukēsē kiyooto. **8** Nyoo choonē muchasta, kukēsē meet. Nto nyoo choonē ng'aleekaab Tāmirmiryēēt, kukēsē *soboontaab kibchuulyo. **9** -Mookany kēēchoosyē kēēyēyē chēē kāroomēch, kuuyu yoo kayit :āsiiswēk chēē kiikuchōb :Yēyiin, mākutuwēnēēch yoo kāmākēēnyēbēt. **10** Kunyoo, kuu yoo tākēēboontē bārooyinto, okany kēēyēyē tukuuk chēē kāroomēch ām wōlēē mii :biiko tukul ānku miisin, ām wōlēē mii :choo kiikōoyēnchi Yēyiin.

Ng'aleekaab lētuut

11 Okasee siruutēchu wōōyēch kule anii nkit :nyēē āmiitē āsirwook.

12 Biiko choo māchē kōōboorunēē wōlēēb saang' kule kāroomēch :choo mii kukērchook koong' kule */ kiimuraatanaak. Yēyē :bichoo kuu nyooto / simākēēwus kubo murtooywoontēētaab Kiriistō. **13** Ānkoo kuwuu nyooto, māriibē :bichooto / ki-imurootānē kiruutēk tukul, nteenee māchē kule /kiimuraatanaak sukung'eet kung'asee keey mu-rootāniisyēēng'woong'.

14 Lēyyē, mākoy ang'erechee kiito ake, nteenee āng'ērēchēē murtooywoontēētaab Mokoryoontēēnyoo Yēēsu Kiriistō. Kiikuyeya :meetaab Yēēsu ām murtooywoontēēt akas kule buch :soboontaab kōōrooni ānkāāyēku

6:7 Āyub 4:8; Kāälēw. 22:8-9 **6:8** Room. 8:6, 13 **6:9** 2Tēēs.
3:13 **6:10** Yoowa. 13:34; Room. 12:10; 14:15; 1Kōōr. 8:1; 2Kōōr.
 8:7-8; Kala. 5:6, 13-14; 1Tēēs. 3:12; 4:9; 1Bēt. 1:22; 2Bēt. 1:7 **6:11**
 1Kōōr. 16:21 **6:12** Kala. 5:2, 11

:nkanii buch ām wōlēē mii :soboonooto.
15 Māyēētyēēchinē kiy yoo / kakiimuraatan chii
 nto yoo /kamakiimuraatan. Nteenee kiito nyēbo
 koomānuut ku kunyōōr :chiito soboonto nyēē lēēl.
16 Lēyyē, kōōkoochi :Yēyiin kaalyeet biiko tukul
 choo rubē ng'aleechu ānkōōbēruur. Bichooto ku
 biikaab Yēyiin chēbo man.

17 Kunyoo, matakukwiilaataa :chii kung'eetee ra
 kuwo taay kuuyu āboontē bēēruutook ām bōōrnyuu
 cheē kyāānyōōru kubo Yēēsu.

18 Mbo ng'eetaabiya, kōōbēruurook :Mokoryoon-
 tēēnyoo Yēēsu Kiriistō. Kuwuuyiit nyooto.

**Biibilya Nyēē Tiliil
New Testament in Sabaot (KE:spy:Sabaot)**

copyright © 2011 Wycliffe Bible Translators, Inc.

Language: Sabaot

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9966002030

The New Testament

in Sabaot

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
c68c9dca-518f-544b-a52e-82240cf64928